

episcopus fuerit, sive alias, omnibus sui Ordinis vestibus sacris induitus, et singulis ornamentiis ornatus, habens in manibus ornamentum ad Ordinem suum spectans, ac si deberet in suo officio ministrare, adducitur ante Pontificem, coram quo genuflectit. Tum Pontifex, ut supra sedens, populo in vulgari notificat degradationis hujusmodi causam; deinde contra degradandum sententiam fert in hæc verba, si sit Sacerdos, aut Diaconus, aut Subdiaconus, vel Clericus, et prius hujusmodi sententia lata non sit.

IN nōmine Pa[†] tris, et Fí[†] lii, et Spíritus[†] sancti. Amen. Quia nos N., Dei et Apostólicæ Sedis grátia Epíscopus N. per viam accusatiónis **vel** de-nuntiatiónis, **aut** inquisitiónis cognoscéntes de crí-mine N. contra N. Presbýterum, **vel** Diáconum, **vel** Subdiáconum, **seu** Cléricum propter ipsius confessi-ónem, **vel** legítimas probatiónes, evidénter invénimus eum ipsum crimen commisísse, quod cum non solum grande, sed étiam damnábile, et damnósum sit, et ádeo enórme quod exínde non tantum divína majé-stas offénsa, sed et univérsa cívitas commóta est, et ob hoc indígnus officio, et benefício ecclesiástico sit rédditus, idcirco nos auctoritéte Dei omnipoténtis, Patris, et Filii, et Spíritus sancti, et nostra, ipsum omni hujusmodi officio, et beneficio ecclesiástico sententiáliter perpétuo privámus in his scriptis, ip-súmque ab illis verbo depónimus, et pronuntiámus realíter et actuáliter secúndum traditióñem Cánonum deponéndum, et degradándum.

Qua sententia sic, ut præfertur, lata, Pontifex degradator aufert ab illo singula ornamenta sibi juxta Ordinem suum tradita, inchoando ab ultimo ornamento, et descendendo gradatim, continuans usque ad primum, quod in prima Tonsura sibi datum fuit, hoc Ordine:

DEGRADATIO AB ORDINE PONTIFICALI.

Si degradandus sit Archiepiscopus, Pontifex degradator aufert ab eo pallium, sic dicendo:

Prærogatíva pontificális dignitátis, quæ in pállio designátur, te exúimus, quia male usus es ea.

Deinde, vel si degradandus sit Episcopus tantum, Pontifex degradator amovet ei mitram, dicendo:

Mitra, pontificális dignitátis vidélicet ornátu, quia eam male præsidéndo fœdásti, tuum caput de-nudámus.

Deinde unus ex ministris tradit degradando librum Evangeliorum, quem Pontifex degradator aufert de manibus degradandi, dicens:

Redde Evangélium; quia prædicándi officio, quo spreta Dei grátia te indígnum fecísti, te juste privámus.

Deinde Pontifex degradator amovet annulum de digito degradandi, sic dicens:

Annulum, fídei scílicet signáculum, tibi digne sub-tráhimus, quia ipsam sponsam Dei Ecclésiam témere violásti.

Tum unus ex ministris tradit degradando in manus baculum Pastoralem, quem mox Pontifex degradator tollit de manibus degradandi, dicens:

Auférimus a te báculum pastorálem, ut inde corre-ctiónis officium, quod turbásti, non váleas exerce-re.

Deinde extractis sibi per ministros chirothecis, Pontifex degradator abradit degradando pollices et manus leviter cum cultello, aut vitro dicens:

Sic spirituális benedictiónis, et delibutiónis mýsticæ grátia, quantum in nobis est, te privámus, ut sacrificándi et benedicéndi perdas officium, et ef-féctum.

Post hæc Pontifex cum eodem cultello aut vitro abradit leviter caput degradandi, dicens:

Consecratónem, et benedictónem, atque unctiónem tibi tráditam radéndo delémus, et te ab órdine pontificáli, quo inhábilis es rédditus, abdicámus.

Tum degradando per ministros extrahuntur sandalia.

